

wente alse dat schep sunder roeder wert hir vnde  
 dar ghedreuen van den vloeden also wert eyn  
 crach minsche de sine vpsate achter led myt men  
 nigen bekoringen **D**at vuer vndersoeket dat ise  
 ren. vñ de bekoringe den rechtuerdigen minsche  
 wy en weten vake nicht wat wy vor mogē. mē  
 de bekorige openbaret vns wat wy sin **M**e schal  
 waken tho dem begin der bekoringe wente dan  
 wert lichtliken ouerwunnen de vyent **M**en en  
 schal dem duuel de doer des hertē nicht vp doen  
 men van buten schal men om moten **I**o men de  
 hundē mer terget vñ se sleyt yo se vuriger vnde  
 quader werden **V**uidius secht. wedder sta dem  
 beginne. de spade arstediē en stercket nicht vele  
 wente ersten komen dem hertē klene ghedanckē  
 dar na starke bekūmeringe. dar na ghenoechte  
 vñ quade beweginge. dar na de wollust in den  
 dancken. dar na de vulbort. dar na de werke.  
 dar na de woente. dar na de roet. dar na de mis  
 moet. dar na de vorsmange godes. dar na de ewi  
 ge doet. he en do den penitencien **A**lso gaet de  
 vrient allent haluen in als em in dem begin nicht  
 wert wedder ghestaen **I**o de minsche lāger vor  
 traget wedder to staende io he krācker wert vñ  
 de vrient tegen em mechtiger **S**omige in dat be  
 gin erer bekeringe hebben swarer bekoringe.  
**S**omige in dat ende **S**omige hebben quaet by  
 na al er leuedage **S**omige werden lichtliken be